

四庫全書

史部

欽定四庫全書

史部

欽定熱河志卷五十七至
九

詳校官編修臣曹城

檢討臣德生覆勘

總校官舉人臣章維桓

校對官編修臣勵守謙

騰錄監生臣曹洪梁

欽定四庫全書

欽定熱河志卷五十七

建置沿革三

後漢 魏

晉

建甌沿革圖三 後漢 魏

今朝陽縣境後漢為
烏桓地後屬鮮卑東
部魏亦屬鮮卑地

遼北郡治
遼北郡
鮮卑
魏居

今建甌縣境後漢為
烏桓地後屬鮮卑東
部魏亦鮮卑地

今平泉州境後漢為烏桓
地後屬鮮卑東部魏亦鮮
卑地

今亦芬縣境後漢為
烏桓地後屬鮮卑東部
魏亦鮮卑地

今承德府本境後漢為
烏桓地後屬鮮卑中部
魏亦鮮卑地

今宣寧縣境後漢
為烏桓地後屬鮮
卑中部魏亦鮮卑
地

今灤平縣境後漢為
烏桓地後屬鮮卑
中部魏亦鮮卑地

建置沿革圖四 晉

今朔陽縣境初為宇文氏地後入慕容氏為前燕地符堅時為秦地慕容垂復國為後燕地馮跋時為北燕地

今建昌縣南境初為鮮卑氏地其北境為宇文氏地後併入慕容氏為前燕地符堅時為秦地後復為後燕北燕地

今亦義縣境初為宇文氏地後入慕容氏為前燕地符堅時為秦地後復為後燕北燕地

今平泉州境初為段氏地後入慕容氏為前燕地符堅時為秦地後復為後燕北燕地

今承德府南境初為段氏地其北境為宇文氏地後併入慕容氏為前燕地符堅時為秦地後為後燕北燕地

今豐寧縣境初為宇文氏地後入慕容氏為前燕地符堅時為秦地後為後燕北燕地

今灤平縣境初為段氏地後入慕容氏為前燕地符堅時為秦地後為後燕北燕地

按自前燕慕容氏建置州郡有可考者分列圖
內別有前燕慕容廆設冀陽成周營邱唐國諸
郡後燕慕容熙析置青州并州北燕又分置并
青幽平四州亦有石城建德冀陽郡俱當在今
承德府屬境第其疆域莫詳圖中難於晰屬統
著篇末以備考

--	--	--	--	--	--	--	--	--

後漢 魏

晉

後漢為烏桓鮮卑地後盡屬於鮮卑

後漢書烏桓傳光武初烏桓與匈奴連兵為寇居
止近塞五部民庶家受其辜建武二十二年匈奴
國亂烏桓擊破之匈奴轉徙二十五年遼西烏
桓大人郝旦等率眾向化封為侯王君長者八十

一人皆居塞內布於緣邊諸郡

三國志魏書謂布
列遼東屬國遼西

右北平漁陽廣陽上谷代郡雁門太原朔方諸郡界

建安初冀州牧袁紹矯

制賜蹋頓等皆以單于印綬建安十二年曹操自

征烏桓大破蹋頓于柳城虜二十餘萬人

後漢書鮮卑傳鮮卑者亦東胡之支也別依鮮卑

山故因號焉漢初亦為冒頓所破遠竄遼東塞外

與烏桓相接光武初匈奴率鮮卑與烏桓寇抄北

邊建武二十五年鮮卑始通驛使和帝永元中石

枝尉耿夔擊破匈奴北單于逃走鮮卑因此徙據

其地匈奴餘種留者尚十餘萬皆自號鮮卑是後
或降或叛桓帝時鮮卑檀石槐為大人盡據匈奴
故地延熹九年遣使持印綬封檀石槐為王不肯
受乃自分其地為三部從右北平東至遼東接扶
餘穢貊二十餘邑為東部從右北平以西至上谷
十餘邑為中部從上谷以西至燉煌烏孫二十餘
邑為西部各置大人主領之皆屬檀石槐自檀石
槐後諸大人遂世相傳襲

按匈奴在武帝時徙而西北自王莽變易其號復擾近塞建武中匈奴左部轉居塞內特徙幽并邊人于常山關居庸關東以避之蓋又竄入烏桓鮮卑之境至建武二十二年以後匈奴復又北徙漢南地空於是全為烏桓鮮卑所有鮮卑之強大過於烏桓而烏桓布居塞內在長城之北陰山之南附近邊牆是今承德府屬之南境並為後漢烏桓之地若鮮卑當在烏桓之北

然考後漢書所載既有遼東烏桓漁陽烏桓上
谷烏桓之別而鮮卑亦復有遼東遼西等名三
國魏志亦謂烏桓鮮卑因漢末之亂中國多事
不遑外討故得檀漢南之地其疆圉分合雖不
可考要其為二部之錯居也久矣抑又考之後
漢書鮮卑傳謂鮮卑以季春月大會于饒樂水
上饒樂水即今英金河正當今赤峯縣北境而
後漢書又謂檀石槐初立庭於彈汗山歆仇水

上去高柳

高柳為漢縣在今陽高縣境

北三百餘里通考於

檀石槐庭注馬邑郡界是檀石槐建庭之處在

今大同朔平二府北境外而東至英金河左右

皆鮮卑疆域所及可知今承德府屬之北境皆

鮮卑地也胡三省通鑑注引宋白之說則謂建

安時鮮卑庭在右北平郡界蓋鮮卑強盛漸徙

而南已兼及今承德府屬之南境故魏武出盧

龍口東伐烏桓必先涉鮮卑庭也

魏為鮮卑地

三國志鮮卑傳文帝踐阼步度根

檀石槐死子和連立和連死兄

子魁頭立魁頭死弟步度根立

遣使獻馬帝拜為王後數與軻比

能更相攻擊步度根部衆稍寡弱將其衆萬餘落

保太原雁門郡而軻比能衆遂強威青龍元年步

度根為比能所殺 軻比能本小種鮮卑衆推為

大人部落近塞文帝亦立為附義王後與東部鮮

卑大人素利及步度根三部爭鬪比能彊威控彊

十餘萬騎餘部大人皆憚之後幽州刺史王雄遣
勇士刺殺比能更立其弟

在青龍三年

素利彌加厥

機皆為大人在遼西右北平漁陽塞外道遠初不
為寇然其種衆多於比能建安中太祖皆表寵以
為王

按檀石槐部傳至步度根惟保并州內塞於是
檀石槐舊地屬於軻比能考比能建庭之地亦
仍在代郡雁門郡之北邊外而魏志稱比能制

御羣狄盡收匈奴故地自雲中五原以東抵遼水皆為鮮卑庭是今承德府屬全境並在其中至於素利彌加厥機本檀石槐所立之東部大人與軻比能各自為部志稱其居於塞外道遠不為寇者蓋其地尚在比能之東北而遼西右北平漁陽邊外附近之地皆為比能所有也逮比能被刺之後魏志雖稱其時種落離散强者遠遊弱者請服邊陲差安然考魏末晉初正鮮

卑諸部互相攘據之時今承德府屬全境之地
魏與晉實皆不得而有之也

晉初為鮮卑諸部所分據屬鮮卑段氏宇文氏及
慕容氏地

魏書徒河段就陸眷傳本出於遼西至務目塵立

在晉惠帝時魏書及北
史謂在魏帝時者誤

即就陸眷父也據有遼西

之地而臣於晉其所統三萬餘家控弦上馬四五

萬騎

十六國春秋前燕錄段疾陸眷即就陸眷之孫遼自立

在晉明帝太寧三年段氏自務勿塵即務目塵以來日益強盛其

地西接漁陽東界遼水

按鮮卑段氏自務目塵據有遼西居于徒河今

縣西北在建昌朝陽二縣東境外太安二年始封為遼西公子

疾陸眷繼之在懷帝時建興元年慕容廆遣子翰攻

段氏取徒河新城新城在徒河西在今建昌縣東境方輿紀要謂晉永嘉中

鮮卑段氏所置縣至陽樂引兵而還則其時段氏當已

遷于令支

今遷安縣地在平泉州南境外

疾陸眷死其從弟末

桎殺其叔涉復辰而代之

在元帝太興元年

末桎死段

遼

十六國春秋稱為疾陸眷之弟未詳孰是及北史作疾陸眷之弟未詳孰是

又殺其

子牙而代之是時疆域頗廣其所居之令支雖

在今平泉州境之外而實兼有今承德府屬南

境之地前燕錄稱慕容皝攻掠段遼令支以北

諸城可知今永平府北邊外皆段氏地所謂西

接漁陽東界遼水者蓋自今西至灤平縣東至

建昌朝陽縣之南境並當為段氏所有其北境則為宇文氏東境即慕容氏也

又按當段遼盛時慕容皝于咸和九年攻乙連不克咸康三年築好城于乙連東以逼乙連知段氏之北界在於乙連方輿紀要乙連城在營州西南二百里當為今建昌縣西南境地也段氏之地至咸康四年為慕容皝與石虎所分然考石虎之伐段氏自鄴城而東北慕容皝之伐

段氏自棘城而西南當時段遼所署漁陽太守
北平相代相上谷相等四十餘城降於石虎其
地並在今長城以內惟慕容皝先攻令支以北
諸城其後以段遼詐降於石虎請皝應接復敗
石虎將麻秋於密雲山擁遼及其部衆以歸知
密雲東北之地悉為慕容氏所有也段氏既滅
之後慕容氏之南境與石趙相接當石虎入段
氏令支時怒皝不會師進軍棘城皝擊敗之拓

境至凡城而還成康五年石虎使將軍石成寇
凡城建元二年又使將軍尹農寇凡城知慕容
氏之南界在于凡城水經注謂自盧龍至凡城
二百許里當在今平泉州南境自凡城以南則
為趙地矣又後趙錄建武六年

時為晉成康六
年在石虎既破

段氏
之後自幽州以東至白狼大興屯田是白狼亦

石趙與慕容燕接界之處也

周書文帝紀宇文氏先世為大人其後曰晉回號

宇文國并以為氏普回子莫那自陰山南徙始居
遼西九世至豆歸為慕容皝所滅

魏書匈奴宇文莫槐傳

宇文氏本鮮卑別部魏書謂為匈奴者蓋匈奴之種

而據有鮮卑部衆

出於遼東塞外世為東部大人莫慮立

莫槐死弟普撥立普撥死子邱不勤立邱不勤死子莫慮立本名莫圭魏書以避道武帝諱故作莫

慮部衆強盛自稱單于塞外諸部咸畏憚之

魏書昭帝紀昭帝立

在晉惠帝元康五年

分國為三部帝自

以一部居東在上谷北濡源之西東接宇文部

當

文莫
主時

按宇文氏本居遼東塞外周書稱自莫那徙居
遼西而未詳其地庾信周上柱國齊王憲碑則
謂晉太康之世據有黃龍考宇文氏之國都本
在紫蒙城方輿紀要謂在柳城西北是宇文氏
所都亦尚在黃龍之北所謂據有黃龍者蓋其
南境所及耳太康之世約當宇文莫圭時莫圭
距逸豆歸之滅纔及三傳周書謂莫那九世至

豆歸則自莫圭以前當居黃龍之北也自太康時據有黃龍知今朝陽縣東之土默特右翼境

亦宇文氏地又前燕錄有宇文乞得歸屯保澆

水

即饒樂水今翁牛特境之英金河

之文知今赤峯縣屬之翁

牛特境亦宇文氏地至於濡水之發源在今豐

寧縣西境外拓跋氏居濡源之西而宇文氏與

之相接則東自今朝陽縣西至豐寧縣皆兼得

宇文氏地而特偏居北邊緣其時南境屬段氏

耳又按慕容廆以太康五年立而太康之世宇文氏方據有黃龍其後黃龍之入於慕容氏史

無明文考太安元年宇文莫圭遣將素延圍棘

城

在今義州西北通典棘城在營州柳城郡東南百七十里

為廆所敗其子

悉獨官繼之太興二年自將攻棘城復為廆所敗然是時用兵止在棘城為慕容廆所居之地知黃龍尚屬宇文氏也悉獨官子乞得歸代立以太寧三年復又擊廆廆遣其子說破之悉虜

其衆乘勝拔其國城黃龍之屬於慕容氏當在
是時觀慕容氏於咸康時建都龍城在宇文乞
得歸既破之後而宇文逸豆歸未滅之光可知
也自乞得歸既敗逸豆歸殺而代之至建元二
年為慕容皝所伐遠遁漠北皝闢地千餘里於
是宇文氏故地悉入於燕其後併於慕容氏為
前燕地

按慕容氏本東胡之後世為鮮卑君長自莫護

跋在魏初率其諸部從塞外入居遼西始建國

於棘城之北慕容涉歸

莫護跋死子木延立木延死子涉歸立亦名奕

洛

又遷邑於遼東之北太康五年慕容廆代立

十年又遷於徒河之青山

通典徒河青山在營州柳城郡東百九十

里元康四年復遷居大棘城是時慕容氏地尚

在今朝陽建昌縣東境之外當慕容涉歸以全

柳城之勲進拜鮮卑單于是柳城本非慕容氏

地知其猶屬於晉也又太康二年慕容涉歸始

金史紀事本末卷之二十一
寇昌黎太康五年慕容廆入寇遼西復掠昌黎
然曰寇曰掠是慕容氏尚未能據有其地知其
亦屬於晉也逮永嘉之亂慕容氏始強太興初
於諸部弱小者稍擊取之疆域漸廣太興二年
廆襲平州刺史崔毖奔高句驪悉降其衆於是
兼有平州之地至咸和八年慕容皝代立之後
既併段遼則承德府屬之南境皆為所有又滅
宇文氏則承德府屬之北境亦為所有矣

慕容皝時都於龍城

至慕容儼遷都於薊復遷於鄴以龍城為留臺

十六國春秋前燕錄咸康七年春正月皝以柳城

之北龍山之西

一作南

福地也使唐國內史陽裕等

築龍城構門闕宮殿廟園

一作宗廟

藉田遂改柳城為

龍城縣八年冬十月皝遷都龍城

按慕容氏立國其郡縣之建置前史未詳所可

考者龍城為皝之國都在今朝陽縣屬土默特

右翼地昌黎郡為皝所徙置晉志所載之昌黎

郡晉書地理志謂三國魏郡置魏書地形志作晉置即前漢交黎縣後漢

昌黎縣本在今朝陽縣境之外自咸康三年慕

容氏徙昌黎郡即與龍城相近建元二年訖破

宇文逸豆歸徙其部人五萬餘落於昌黎是時

已居龍城則昌黎正為近畿之地因徙人戶以

實之前燕錄有昌黎太守知其自為一郡也

又按慕容皝時後趙石虎正強然考後趙之地

其北境但至今支

後趙錄建武五年虎以李農為持節監遼西北平諸軍事

營州牧
鎮令支

與薊

後趙錄建武六年慕容皝襲幽冀
幽州刺史石光閉城不出皝直抵

薊城

後趙錄建武五年

即晉咸
康五年

虎以遼西迫近燕

境徙其民於冀州之南六年復徙遼西北平漁
陽萬餘戶於兗豫雍洛四州之地又前燕錄皝
長史劉翔稱石虎畏懼悉徙邊陲之民散居三
魏以薊城為北境可知今承德府屬之地皆不
在石趙境內也前燕錄又稱咸康六年皝出蠕
蠕塞襲趙長驅至薊城慕容儁二年自東道出

徒河西道出蠟螭塞中道出盧龍塞三道並進
伐趙徒河在今錦縣西北蠟螭即居庸之轉音
在今平昌州西北盧龍塞即潘家口在今遷安
縣西北慕容氏時都龍城為今朝陽縣境地其
西南疆域所至跨有承德府屬全境故自徒河
至居庸皆其分道入邊處也魏書又魏奚與契
丹為慕容氏所破俱竄松漠之間則今府屬全
境並屬慕容氏無疑

苻堅滅燕為秦地

晉書地理志苻堅滅燕之後分幽州置平州鎮龍

城

按苻堅初滅燕以郭慶為幽州刺史鎮薊

今順天府

其後以苻洛為幽州刺史鎮龍城是時承德府屬全境並當屬於幽州逮苻洛自和龍舉兵反

既討平之乃分置平州刺史鎮龍城而以幽州刺史鎮薊則自今承德府東境若平泉州赤峯

建昌朝陽諸縣之地宜為當日平州所屬其西境則幽州所屬也又前秦時有昌黎太守知其仍置昌黎郡

慕容垂復國為後燕地慕容寶復都於龍城慕容盛慕容熙及高雲相繼有之

魏書慕容廆傳垂稱大位盡有幽冀平州之地

晉書地理志慕容熙以青州刺史鎮新城并州刺史鎮凡城營州刺史鎮宿軍高雲以并州刺史鎮

白狼

諸州皆在龍城近地乃後燕之制與古青州并州營州別

按慕容垂定都中山建留臺於龍城以其子慕容農慕容隆相繼鎮龍城皆稱都督幽平二州諸軍事知其時承德府屬之地仍分屬幽州平州慕容寶既遷龍城之後當慕容盛時以幽州刺史鎮肥如在今盧龍縣北境平州刺史鎮宿軍方輿紀要宿軍城在營州東北後燕所置為平州治肥如雖在今府境之外然即當平泉州之南境宿軍當建昌縣之東北境

知其時承德府屬之地亦屬幽平二州也慕容

熙之光始二年以幽州刺史鎮令支

在今遷安縣境三

年以青州刺史鎮新城

方輿紀要新城在營州東徒河西慕容熙置青

州治新城即其地

并州刺史鎮凡城

方輿紀要凡城在營州西南慕容氏

所置城

六年以營州刺史鎮宿軍冀州刺史鎮肥

如蓋增置青州并州及冀州又改平州為營州

地不加廣而州名轉多是時府屬之地乃慕容

氏青并營三州所屬而錯出於其幽冀二州至

高雲以并州刺史鎮白狼

方輿紀要白狼城在營州西南

而以

幽冀二州牧鎮肥如是時府屬之地乃高氏并

州所屬而錯出於其幽冀二州高雲時不詳青

州營州者其仍舊與併省別無可考又後燕錄

慕容垂時有昌黎太守知其仍自為一郡慕容

威及高雲時皆有昌黎尹蓋自慕容寶復都龍

城之後昌黎郡即移治龍城

北魏昌黎郡治在龍城亦沿燕舊

故改稱為尹也其所屬之縣惟石城廣都有令

知其置縣餘不可考

馮跋時為北燕地至馮宏併於魏

按北燕錄稱馮跋即天王位於昌黎以昌黎郡
即在龍城也跋初僭位時以馮乳陳為征西大
將軍并青二州牧以馮萬泥為驃騎大將軍幽
平二州牧是時元魏日強燕之封境漸削所謂
并青幽平諸州大約止在黃龍附近數百里之
地昌黎為都城所在故仍設尹石城建德並有

太守知其置郡建德又有令知其置縣又魏人
伐燕詔永昌王健攻建德樂安王丕攻冀陽亦
為北燕所置郡其地並當在今平泉州建昌朝
陽二縣境至魏之取和龍先克白狼城是白狼
在北燕時亦為重鎮

欽定熱河志卷五十七

欽定四庫全書

欽定熱河志卷五十八

建置沿革四

北魏

北齊 周

北魏

北齊 周

北魏為安州營州及庫莫奚契丹地

今承德府本境為安州廣陽郡之燕樂縣地其北境為庫莫奚地灤平縣為廣陽郡之廣興縣地其西境為禦夷鎮地豐寧縣為燕樂縣方城北地其西南境為禦夷鎮地北境為庫莫奚地後俱併入庫莫奚平泉州為營州建德郡之陽武縣冀陽郡

之平剛縣地赤峯縣為庫莫奚地建昌縣為營州
建德郡之石城縣廣都縣地冀陽郡之柳城縣地
其北境為契丹地朝陽縣為營州昌黎郡之龍城
縣廣興縣定荒縣地其北境為契丹地

魏書地形志安州

皇興二年置治方城天平中
陷元象中寄治幽州北界

領

郡三

按在今境
之郡一

廣陽郡

延和元年置益州
真君二年改為郡

領縣三

廣興

延興二年置真君
九年併恒山屬

燕樂

州郡治延和九年置
真君九年併永樂

方城

普泰元年置

按北魏燕樂縣即安州廣陽郡治其地在邊外

與東魏元象時僞置邊內之燕樂縣異

東魏僞置之燕

樂縣在古北口內
今密雲縣東北境

曾公亮武經總要謂後魏之

安州遼為北安州西南至古北口二百八十里

以方位道里計之當在今豐寧縣之東境水經

注索頭水南逕廣陽僞郡西今安州治

安州為魏置縣

道元魏人故
曰今安州

南流注於濡水

即藥河

索頭水即今

伊遜河

詳見水門

流經承德府北境過豐寧縣至藥

平縣之東北境會入藥河今豐寧縣博洛河屯

即波羅河屯

之廢城址古索頭水正經其西當為安

州故治蓋北魏之安州領郡凡三密雲郡安樂

郡皆置於邊內惟廣陽郡置於邊外今承德府

之南境

北魏為奚地

藥平縣之東境

西境為藥夷鎮地

豐寧

縣之東南境

北境為奚地西南境為藥夷鎮地

皆廣陽郡地也

魏志燕樂縣下注州郡治是州郡同治燕樂燕
樂縣治即當在豐寧縣東南境附近安州故治
也承德府南境近相毗接亦當為燕樂縣地廣
興方城二縣方位不詳魏志既稱燕樂縣為州
郡治又於安州下注治方城者方城本地名安
州與燕樂同治其地故注文互見後普泰元年
析置方城縣縣以地名亦當在今豐寧縣境燕
樂方城居北在豐寧縣境則廣興縣宜居南為

今樂平縣境矣

又按水經注五渡水

今承德府東境之老牛河詳見水門

出安樂

縣丁原山南流逕其縣故城西本三會城也又

高石水

今平泉州南境之瀑河詳見水門

出安樂縣東山西流

歷三會城南道元所注係在安州境而北魏之

安州本無安樂縣若指漁陽郡之安樂縣北魏

於真君七年併入潞縣者其故地在今順義縣

界於邊外無涉惟魏志安州燕樂縣下注云真

君九年併永樂知北魏真君以前尚有永樂縣
與燕樂縣毗接同在安州境內所謂安樂縣者
疑卽永樂縣之譌因其已併入燕樂故道元稱
為故城也

營州

治和龍城太延二年為鎮真君
五年改置永安末陷天平初復領郡六

按在今境

三之郡

昌黎郡

晉分遼東置真君
八年併冀陽屬焉領縣三

按昌黎本燕之舊郡其治在龍城亦因後燕北

燕之舊

龍城

真君八年併柳城昌黎棘城屬焉有堯祠檢城狼水

按龍城即燕舊都在今朝陽縣南境之三座塔狼水即大凌河流經三座塔境惟所併之棘城在今義州西北當朝陽縣境之外知龍城縣之東兼得今錦州府地

廣興

真君八年併徒河永樂燕昌屬焉有雞鳴山石城大柳城

按方輿紀要廣興故城在營州東百里當在今

朝陽縣南三座塔之東境其所併之徒河為今
錦縣地在朝陽縣境外知廣興縣之東南亦蕪
得今錦州府地

定荒

正光末置有
鹿頭山松山

按方輿紀要定荒縣正光末析龍城廣興二縣
地置正光之末距太延二年初得昌黎郡之時
幾及九十年知正光以前即龍城廣興二縣地
亦當在今朝陽縣境今奈曼旗西南八十里有

鹿兒山其地正當魏昌黎郡之北境或即為古鹿頭山未可知也

建德郡

真君八年置治白狼城

領縣三

按建德本燕舊郡之名考魏之取燕於延和元年八月先拔建德郡於太延二月四月始克白狼城知建德郡與白狼城本為兩地魏之建德郡即治白狼城蓋係改置之郡北燕之故治

石城

真君八年併遼陽路大樂屬焉有白鹿山祠

按方輿紀要石城故城在營州西南百餘里蓋據後燕錄慕容寶自廣都黃榆谷行十餘里清河王會勒兵攻寶寶馳二百里至龍城會遣騎追至石城不及廣都距龍城二百餘里而石城在其中約畧以為百餘里耳魏之建德郡既領石城縣而昌黎郡之廣興縣下復有石城知為兩地疑後燕錄所謂追至石城者乃廣興縣境之石城故與龍城相近未必為石城縣也又考

魏志於石城下注前漢屬石北平即以石城為
漢縣考慕容燕所置諸郡縣用漢舊名者頗多
而分併參錯每非其故址後燕時有石城令知
其志石城縣北燕時又有石城太守知其又升
為石城郡魏時省郡而存縣蓋亦仍燕之舊縣
而非即漢縣故治也計其方位當在今建昌縣
西南接平泉州東南近長城之地

廣都

真君八年併白狼建德
望平屬焉有金紫城

按廣都亦燕之舊縣水經注廣成俗謂之廣都
此蓋自慕容氏後相沿以俗名置縣魏志不係
以沿革知非漢之廣成故縣至魏建德郡既治
白狼城而志又稱白狼併屬廣都者蓋郡治在
白狼城而白狼所屬之地復割入廣都耳據後
燕錄自廣都黃榆谷至龍城二百餘里則廣都
當在龍城之南為今建昌縣東南境地

陽武

正光未置
有三合城

按陽武縣置於正光之末距真君八年置郡之時已越七十餘年當以近建德郡之地析置其方位未詳方輿紀要謂陽武廢縣在石城東亦

約畧之詞別無證據水經注安樂

當作永樂見前安州條下

縣有三會城此稱三合城疑即三會之譌考安樂縣之三會城在五渡水之東高石水之西與

濡水入邊處相近當在今老牛河

即五渡水瀑河

即高

石水之間為平泉州西南境地三合城先已併入

燕樂縣而此又在陽武縣者蓋建德郡與廣陽

郡本自相接故析其附近之地置縣正光末增

置陽武之時距道元之死僅二年餘

道元死於孝昌三年

蕭寶夤之亂

當在其書成之後故水經注未之詳也

冀陽郡

真君八年併昌黎武定五年復

領縣二

按冀陽亦燕之舊郡魏自延和元年拔冀陽郡

於北燕真君八年併入昌黎郡逮武定時復置

冀陽郡而東魏旋亡是魏之置有冀陽郡統前

後不過十有餘年其實即昌黎郡地也

平剛

按平剛在燕時亦當置縣魏初隨冀陽郡併省

至魏末復置耳魏志不詳沿革當與前漢右北

平治之平剛異平剛漢書本作平岡水經注自盧龍至凡

城二百許里自凡地東北出趣平罡即平剛百八

十里蓋即指魏之平剛當為今平泉州東境地

柳城

按柳城為燕改置之縣已非漢之故治至魏初併省之時既以其地省入龍城而又割柳城之故城分隸廣興至魏末仍分置柳城縣故有龍城所併之柳城有廣興所隸之大柳城又有冀陽郡所領之柳城縣屢經分割并非燕柳城之故治蓋其一時之廢置如是計其方位當不離龍城以南為今建昌縣南境地

又按魏志又有南營州注云孝昌中營州隘永

熙二年置寄治英雄城其所領亦有昌黎郡及
龍城廣興定荒三縣建德郡及石城廣都二縣
當永熙二年正東西魏分國之時此乃僑置之
營州與故地無涉

北史奚傳

互見魏書

庫莫奚其先東部宇文之別種也

初為慕容晃

十六國春秋作晃

所破竄匿松漠之間好為

寇抄登國三年道武親自出討至弱洛水南大破
之十數年間庫莫奚滋盛大和四年輒入塞內辭

以畏地豆干抄掠詔書切責之二十二年寇安州
擊走之後復款附每求入塞交易宣武詔曰庫莫
奚去太和二十一年以前與安營二州邊人參居
並無欺貳至二十二年叛逆以來遂爾遠竄今雖
款附猶在塞表

按庫莫奚初竄匿松漠當在承德府屬北境之
外魏道武破之於弱洛水

即饒樂水

南即今英金河

在赤峯縣屬翁牛特旗界魏之登國三年即慕

容垂之建興三年是時苻秦喪亂後燕又甫經
立國故庫莫奚漸強得至弱洛水南其後慕容
寶之襲庫莫奚渡澆洛水

即饒樂水

是終後燕北燕

之世庫莫奚皆處英金河左右在今承德府豐
寧縣北境及赤峯縣境逮魏太和四年之後始
與安營二州民雜居益復漸徙而南散處今承
德府本境灤平縣豐寧縣平泉州境內太和以
後奚之部落日大魏志所稱安州於天平中陷

者史不詳其事考其時正江果棄安州奔高麗
時必庫莫奚乘亂據之耳至東魏孝靜帝武定
三年高歡上言幽安定三州北接奚蠕蠕請於
險要修立城戍以防之此所謂安州者乃東魏
寄治邊內之安州已非北魏安州之故境矣

北史契丹傳

互見
魏書

契丹國在庫莫奚東異種同類

並為慕容晃所破竄於松漠之間登國中魏大破
之遂逃迸經數十年有部落於和龍之北數百里

真君以來得交市於和龍密雲之間貢獻不絕太和三年莫賀弗勿于率其部落求內附止於白狼

水東

遼史營衛志契丹之先曰奇首可汗生八子其後族屬漸盛分為八部居松漠之間今永州木葉山有契丹始祖廟奇首可汗可敦併八子像在焉潢河之西土河之北奇首可汗故壤也元魏末莫賀弗勿于畏高麗蠕蠕侵逼率車三千乘衆萬口內

附乃去奇首可汗故壤居白狼水東北

按北史稱契丹居和龍之北數百里據遼史謂
在永州考遼之永州本以黃河土河二水合流
而名為今喀爾喀左翼旗地當建昌朝陽縣屬
教漢奈曼旗北境之外遼史所謂黃河之西土

河

今名老河

之北與唐書所謂潢水之南黃龍之北

其方位相合蓋黃河自赤峯縣北境之翁牛特
東流至喀爾喀左翼旗境會土河復折而南流

故契丹所居可曰在潢水之南亦可曰在潢水
之西土河經建昌朝陽縣北敖漢奈曼旗境始
合黃河亦在黃龍之北也太和以後之內附者
蓋契丹中之別部白狼水即今大凌河契丹附
居白狼水東蓋已雜處龍城近地魏志於營州
之隘不詳其事考孝莊之末國亂紛然營州當
為契丹所據

北齊為庫莫奚地其東北境為契丹地東南境屬

營州

今承德府本境灤平縣豐寧縣赤峯縣為庫莫奚地
平泉州為營州冀陽建德郡地其北境接庫莫
奚地建昌縣為營州建德郡地其北境為契丹地
朝陽縣為營州龍城廣興縣地其北境為契丹地
北齊書昭帝紀皇建元年帝親討庫莫奚出長城
虜奔遼

北史奚傳齊受魏禪歲時來朝其後種類漸多分

為五部有阿魏氏遂威

杜佑通典庫莫奚於後魏之初頻為寇盜及突厥興而臣屬之後稍漸強威分為五部理饒樂水北即鮮卑故地

按魏安州于元象中寄治幽州北界之後諸史無復置之文是東魏至北齊之安州祇僑置在長城以內而舊地全陷入庫莫奚矣通典稱庫莫奚屬於突厥考魏書尚無突厥傳其興當在

後魏之末至庫莫奚之分為五部在齊受魏禪
之後通典所謂居饒樂水北者亦祇約畧之詞
大約奚之故地本在今赤峯縣北境迨據有安
州則今承德府灤平縣豐寧縣境赤峯縣南境
皆庫莫奚地觀齊昭帝紀討庫莫奚出長城而
虜遯知長城以外即為奚境矣

又按隋志稱齊廢廣陽郡以大興

大興即廣興
避隋煬帝諱

追改方城入燕樂此亦寄治邊內之廣陽郡在今

密雲縣界者非北魏舊廣陽郡地

北史契丹傳天保四年契丹犯塞文帝北討至平
州遂西趣長塹親踰山嶺大破之

按魏志於營州稱永安末陷天平初復又稱孝
昌中陷大約自孝明帝以後營州郡縣之陷入
契丹者魏末亦未必能盡復其為北齊所有當
在天保中大破契丹之時齊文宣紀稱北討契
丹至平州從西道趣長塹辛丑至白狼城壬寅

經昌黎城癸卯至陽師水甲辰踰山嶺奮擊大
破之丁未至營州可知東魏之末營州近境已
為契丹所有至是始復定之也

隋書地理志後魏置營州於和龍城後齊惟留建

德冀陽二郡龍城大興

此大興即魏昌黎郡之廣
興亦避隋煬帝諱迨改

等縣其餘並廢

北齊書高保寧傳武平末為營州刺史鎮和龍

按北齊時安州久陷惟存營州其建德冀陽二

郡之屬縣亦多併省自不能如北魏之原境是北齊所有者當為今建昌縣及朝陽縣南境三座塔以南及平泉州東南境地其西則與奚分地其東北則與契丹分地

又按文宣帝紀天保三年冬十月仍起長城北至社干戌四百餘里立三十六戌五年十一月帝北巡至達達嶺覽山川險要將起長城六年發夫一百八十萬人築長城自幽州北夏口至

恒州九百餘里七年併省州郡先是自西河總
秦戍築長城東至於海前後所築東西凡三千
餘里築十里一戍其要害置州鎮凡二十五所
八年於長城內築重城自庫洛拔而東至於塢
紇戎凡四百餘里又斛律羨傳羨自庫堆戍東
距於海隨山屈曲二千餘里其間二百里中凡
有險要或塹山築城或斷谷起障並置立戍邏
五十餘所是北齊所築之長城東至於海與秦

時所築之東至大遼水者不同今潘家口以東
邊牆迤南至海當屬北齊改築之舊址至長城
內之重城則不可考矣

周為庫莫奚地其東北境為契丹地東南境為齊
營州刺史高保寧地

今承德府灤平縣豐寧縣赤峯縣為庫莫奚地建
昌縣北境朝陽縣北境為契丹地平泉州及建昌
縣南境朝陽縣南境為北齊高保寧地

北齊書高保寧傳周師將至鄴保寧率驍銳并契丹靺鞨萬餘騎將赴救聞鄴都不守便歸營據黃龍竟不臣周

按周書異域傳但有庫莫奚而無契丹即奚傳中亦未詳後周之事蹟考周自建德六年始併齊地至大象三年即入於隋相距止四年其時庫莫奚與契丹當仍在故境而齊營州刺史高保寧至隋開皇三年始滅是終周之世未嘗得

有安營二州之故地也若隋志稱周改安州為
元州亦即寄治密雲之安州不在今承德府屬
境內

又按周宣帝大象元年六月發山東諸州民修
長城立亭障西自雁門東至碣石是周時長城
因北齊東至海之舊址與今邊牆無異

欽定熱河志卷五十八

欽定四庫全書


欽定熱河志卷五十九

建置沿革五


隋

唐

建置沿革圖七 隋



建置沿革圖八 唐



隋

唐

隋為奚及契丹地其東南境屬營州

今承德府本境灤平縣豐寧縣及平泉州西境為
奚地赤峰縣及建昌縣北境朝陽縣北境為契丹
地建昌縣南境朝陽縣南境平泉州東南境為營
州遼西郡地

隋書奚傳奚本曰庫莫奚初臣於突厥自突厥稱

藩之後亦遣使入朝或通或絕

按奚自東魏時據有安州 今承德府本境深平平豐寧赤峯縣地

州屬郡縣僑治長城以內幽州北界北齊及州

未復故地 說並見隋書地理志載安樂郡統燕

樂密雲二縣漁陽郡統無終一縣北平郡統盧

龍一縣各注有長城是諸縣並在長城以內而

三郡外之舊安州境即屬奚地可知也唐書奚

傳元魏時自號庫真奚至隋始去庫真但曰奚

庫真之與庫莫則傳寫之訛耳

隋書契丹傳契丹當後魏時部落萬餘口內附止

於白貌河

即白狼河之訛

其後為突厥所逼又以萬家寄

於高麗開皇四年率諸莫賀弗來謁五年悉其衆
款塞高祖納之聽居其故地開皇末其別部四千
餘家背突厥來降部落漸衆遂徙逐水草當遼西
正北二百里依託紇臣水而居東西亘五百里南
北三百里分為十部

按契丹部落最大當北魏時分為悉萬丹等八部居潢水之南在今建昌朝陽縣北境外太和時內附居白狼河者乃其別部而其餘全部固尚居故地也開皇時款塞而聽居故地是亦仍在潢水之南逮開皇之末來降之人既衆遂依託紇臣水而居今土河即古託紇臣水自喀喇沁東北流經建昌縣朝陽縣北境所屬之敖漢奈曼二旗北適當隋遼西郡

即北魏營州

之正北是

今赤峰縣及建昌縣朝陽縣北境正當日契丹所徙居之地矣隋時託紇臣水之旁為新降之契丹所居潢水之旁則契丹舊部所居也

隋書地理志遼西郡

舊置營州開皇初置總管府大業初廢

統縣一

柳城

後魏置營州於和龍城領建德冀陽昌黎等郡龍城大興等縣開皇元年惟留建德一郡

其餘並廢尋又廢郡改縣為龍山十八年改為柳城大業初置遼西郡有帶方山禿龍山雞鳴山松山有渝水

白狼水

按是時雖止柳城一縣而疆域頗廣帶方山禿

黎山等尚在今境外其松山及渝水白狼水則
宜在今境是今建昌縣朝陽縣南境平泉州東
南境當為遼西郡地

又按隋文帝開皇元年四月修築長城五年使
司農少卿崔仲方發丁三萬於朔方靈武築長
城東距黃河西至綏州南至勃出嶺綿歷七百
里六年二月丁亥復令崔仲方發丁十五萬於
朔方以東緣邊險要築數十城七年發丁男百

餘萬築長城西踰榆林東至紫河四年七月辛巳發丁男二十餘萬築長城自榆林谷而東隋書地理志沮陽郡無終縣北平郡盧龍縣下皆有長城是皆因北齊及周東至海之舊址與今邊牆無異

唐為奚及契丹地其東南境屬營州

今承德府本境灤平縣豐寧縣平泉州及建昌縣西南境為奚地赤峰縣建昌縣北境朝陽縣北境

為契丹地建昌縣東南境為營州柳城縣地朝陽
縣南境為柳城郡城之柳城縣地後均與契丹雜
居

新唐書奚傳奚蓋東胡種保烏丸山漢曹操斬其
帥蹋頓蓋其後也居鮮卑故地東北接契丹西突
厥南白狼河北霄兵有五部部一俟斤主之多依
土護真水盛夏必徙保冷陁山太宗貞觀三年始
來朝不數年其長可度者內附為置饒樂都督府

咸通後契丹方彊奚不敢抗舉部役屬虜政苛奚怨之其首引別部內附保媯州北山遂為東西奚舊唐書奚傳奚蓋匈奴之別種所居亦鮮卑故地東接契丹西至突厥南拒白狼河北至靄國自營州西北饒樂水以至其國

按奚四境所至新舊唐書所載俱同其西至突厥北至靄皆不在今境內其東北接契丹之界考新唐書地理志曰營州西北百里曰松陁嶺

其西奚其東契丹知奚之東界距營州

州治在今朝陽

縣南三里塔地

百里當在今建昌縣境也富弼行程錄

曰中京正北二百六十里崇信館自過崇信館

即契丹舊境其南皆奚地知奚之北界在中京

今平泉州

大寧故城北二百六十里當在今赤峰縣南境

也又契丹國志曰由古北口至中京北皆奚境

王曾行程錄曰古北口本范陽防扼奚契丹之

所知今古北口外若承德府本境灤平縣豐寧

縣赤峰縣平泉州西境在唐時檀薊平三州長城以外者其地盡入於奚也其南拒白狼河知

今朝陽縣西南境自大凌河

即白狼河

發源處之北

亦奚地也又新唐書地理志曰檀州密雲郡

今密

雲縣

東北百八十五里有北口守捉長城口也又

北八百里有吐護真河奚王牙帳也吐護真河即今土河是唐時奚王牙帳在古北口東北八百里土河之旁為今平泉州北境之喀喇沁地

與遼史中京大定府為故奚王帳地之文方位

相合

五代史四夷附錄奚當唐末居陰涼州在營州之
西幽州之西南皆數百里後徙居琵琶川在幽州

東北數百里契丹按巴堅

舊對音阿保
機今改正

強盛奚人

常為契丹守界上而苦其苛虐奚王去諸怨叛以
別部西徙媯州自別為西奚而東奚在琵琶川者
亦為契丹所併不復能自見

按五代史所云奚在營州之西指營州都督府至稱奚在幽州西南者蓋指唐時僑置諸奚州而言如鮮州崇州治潞縣歸義州治良鄉縣之屬然考唐僑置之州但以降人散處內地聊立州名以統之其實奚之疆域自幽州東北也奚既分兩部之後惟東部在今承德府屬境之內據遼史太祖紀五年親征西部奚所向輒下遂分兵討東部奚亦平之於是盡有奚霄之地東

際海南暨白檀承德府屬全境是時始盡入於
契丹考按巴堅之五年當後梁之乾化元年距

唐亡四年

新唐書契丹傳本匈奴種其先保鮮卑山魏青龍
中部首比能為幽州刺史所殺衆遂微逃潢水之
南黃龍之北至元魏自號曰契丹東距高麗西奚
南營州北靺鞨室韋阻冷陁山以自固其君大賀
氏有勝兵四萬析八部臣於突厥貞觀二年摩會

來降未幾

舊唐書作
二十二年

窟哥舉部內屬乃置松漠都

督府後耶律按已堅為一部自號為王而有國大

賀氏遂亡

舊唐書契丹傳居黃水

即潢水

之南黃龍之北東與

高麗隣西與時國接南至營州北至室韋冷陁山

在其國南與奚西山相崎地方二千里

五代史四夷附錄契丹自後魏以來名見中國或

曰與庫莫奚同類而異種居黃水之南黃龍之北

得鮮卑之故地又以為鮮卑之遺種當唐之世其地北接室韋東隣高麗西界奚國而南至營州舊五代史契丹傳契丹者古匈奴之種也代居遼澤之中潢水南岸南距榆關一千一百里本鮮卑之舊地

按新舊唐書及五代史皆謂契丹居潢水之南黃龍之北今之潢河即潢水今朝陽縣南之三座塔即古黃龍自北魏以至唐契丹牙帳總居

潢水南岸在今三座塔北敖漢奈曼二旗境唐

時自營州

即慕容燕元魏之黃龍

至契丹牙帳四百里至

契丹界止五十里可知自潢水以南三百五十里之中皆契丹地也新唐書地理志曰薊州漁

陽郡

今薊州

東北渡灤河有古盧龍自古盧龍北

至奚王帳六百里又東北行傍吐護真河

即土河

五百里至契丹牙帳知奚與契丹牙帳之處相距五百里契丹牙帳在奚王牙帳之東北故自奚

帳傍土河行亦得至其地唐志蓋從其西道言

之耳

新唐書地理志營州柳城郡上都督府

本遼西郡
萬歲通天

元年為契丹所陷聖歷二年僑治漁陽
開元五年又還治柳城天寶元年更名

縣一

柳城

西北接奚
北接契丹

舊唐書地理志營州上都督府

隋柳城郡武德元
年改為營州總管

府七年改為都督府萬歲通天二年為契丹李萬
榮所陷神龍元年移府於幽州界開元四年復移

還柳城八年又往就漁陽十一年又還柳城舊
領
治天寶元年改為柳城郡乾元元年復為營州

縣一

柳城

西北與奚接界
北與契丹接界

按營州之沿革新舊唐書互有詳畧故並錄之
杜佑通典柳城郡東至遼河四百八十里南至海
二百六十里西至北平郡二百里北至契丹界五
十里東南到安東府二百七十里西南到北平郡
三百七十里西北到契丹界七十里東北到契丹
界九十里契丹衙帳四百里

按唐之營州東至遼河南至海是今之錦州府
全為柳城郡地特柳城郡治則北跨建昌縣朝
陽縣南境耳營州之正北境及東北西北境皆
逼近契丹自萬歲通天時營州為契丹所陷僑
治幽州後雖仍還柳城而僂得僂失是唐時營
州一隅實與契丹共之遼史地理志又稱營州
唐末為奚所據而唐書無明文元一統志謂唐
自中原多故弗遑外撫遼西之地無復屏翰州

亦久廢是唐之中葉已棄營州故奚得雜居其地耳又宋樂史太平寰宇記稱營州柳城郡東至遼河南至大海三百四十里西至平州七百里北至秦長城二百七十里至契丹界潢水四百里東南至保定軍舊安東都護府二百七十里西南至平州七百里西北至契丹界七十里東北至契丹界九十里自界至契丹牙帳四百里太平寰宇記為宋太平興國時所作盧龍以

北之地在唐末已入契丹宋安得而有之且宋
太宗之太平興國即遼景宗聖宗之交是時柳
城故地已改置霸建諸州并無營州之名當時
紀載殊為失實然即此可証隋唐之建置也至
所載營州四至八到與通典互有異同通典謂
營州西至北平郡今永平府二百里西南至北平郡
三百七十里而寰宇記皆作七百里則失之太
遠其所云北至秦長城二百七十里考秦長城

雖東抵遼水亦不應出營州之北遠至二百七
十里也緣宋代自白溝以北即非境內故其所
紀之道里方向未可為準耳

又按唐書貞觀二十二年以奚可度者部內屬

置饒樂都督府

即奉誠都督府後更名

以其別部分置弱

水州祁黎州洛瓌州大魯州渴野州以契丹窟
哥部內屬置松漠都督府以其別部分置峭落
州無逢州羽陵州白連州徒河州萬丹州疋黎

州赤山州

尚有彈汗州共九州
後別改為歸順州

終唐之世凡奚

酋長內附者皆封饒樂府都督契丹酋長內附

者皆封松漠府都督蓋不過假以虛名未嘗實

有其地所謂弱水五州峭落八州者其疆域原

無可考又地理志營州都督府所領之羈縻府

州奚則州九府一曰鮮州

縣一
省從

崇州

縣一
昌黎

順化

州

縣一
懷遠

歸義州歸德郡

縣一
歸義

及饒樂一府五州

契丹則州十七府一曰元州

縣一
靜蕃

威州

縣一
威化

昌

州縣一師州縣一帶州縣一歸順州縣一歸化郡即

汗州更名沃州縣一信州縣一青山州縣一及

松漠一府八州又有突厥州二曰順州順義郡

縣一瑞州縣一有靺鞨州三府三曰慎州縣一

夷賓州縣一黎州縣一黑水府渤海府安靜府

自李盡忠陷營州之後改隸幽州都督府唐時

營州之界兼及遼西在今建昌朝陽兩縣南境

者止得其半其羈縻州名在今境者亦不可考

且此諸州內有二州而同治於一境者如崇州
師州皆治營州之廢陽師鎮有二州而即同治
於營州者如威州沃州皆寄治營州城內末由
定其疆域大抵當時所謂某州某縣者以人戶
立名非以土地畫界其所謂析某州為某州者
亦祇分領其人戶而非分割其土地新唐書謂
貢賦版籍不上戶部舊唐書謂諸州皆東北降
蕃散處幽州營州界內以州名羈縻之無所役

屬至德之後入據河朔部樂之名無存者蓋當
其時本無城郭之可稽道里之可按今悉不敢

附會云



欽定熱河志卷五十九